

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۴ ربیع‌الآخر ۱۳۳۵ جمعه ایرتسی ۴ شباط ۱۳۳۲ نومرو ۱۶

فاتح عصرنده اندرون هایون تشکیلاتی

جنتمکان فاتح سلطان محمد خان حضرتلری قسطنطنیه فتح جلیلی موفقیتنی استحصال ایتدکدن بر مدت صکره ، ذات شاهانه‌لرینه و پادشاهان عظام حضراتنه مقر سلطنت اولق اوزره آیاصوفیه ایله سرای برونی آره‌سنده قره جهتی عظیم سور ایله احاطه ایدیلرک وجوده کتوریلان بی نظیر ساحه دلکشاده انشا ایتدیردکلری یکی سرایک برقمسی ، حریم سلطنت یعنی موقع تعظیم و حرمت اولدینی ایچون اندرون — حرم نام محترمی ایله یاد اولنمشدر .

اندرونه مدخل ، سرای ملوکانه‌ک، باب هایون و باب‌السلام و باب‌السعاده ناملریله یاد ایدیلان سلطنت قاپولرینک اوچنجیسی بولنان باب‌السعاده‌در . بو قاپو داخلنده پادشاهلر حضراتنک آراملرینه مخصوص عالی قصرلر ، اندرونلیرک اسکانه مخصوص معتنا دائره‌لر ، کتبخانه‌لر ، جامع‌شریفلر ، تعلیمخانه‌لر ، مشقخانه‌لر انشا ایدلنمشدر .

اندرون خدمات عاصمه‌سنده بولنانلرک رکن اولی و آمری سرای داخل و خارجنده خدمت کورن سرای خلقنکده مرجعی اولان باب‌السعاده اغاسی « قاپو اغاسی » ایدی . قاپو آغالی وظائف مهمه و معتناسنه سلطنت نکهبانلغی‌ده داخل اولدیغندن آغا ، سفرده و حضرده و جامع شریفه عزیمت و عودتده معیت شاهانه‌دن دور اولز ، یالکز صیدوشکار و تفریح زمانلرنده حفظ وصیانت وظیفه‌سیله مکلف اولق اوزره سرایده قالور ایدی . اندرونده بردائره‌ده اقامت ایتک امتیازی قاپو اغالرینه منحصر ایدی .

اندرون ارکانی قاپو اغاسنک امرلرینی مطاوعت کامله ایله تلقی ایدرک اجرا ایتسی قانون ایجابی ایدی .

بیوک اوطه‌یه منسوب اندرونلیردن اناختاره ، پشکیره و شربته متعلق و بوکا مماثل خدماتی ایفا ایتک اوزره معیتنده درت ایچ اغاسی استخدام ایدر ایدی .

بو حق استخدام ، وظائفی آتیده کوستریله‌جک دیگر اوچ سرای ارکانه‌ده بخش اولنمش ایدی ؛ خزینه‌دار باشی خزینه قغوشندن ، کیلارجی باشی کیلاردن ، سرای اغاسی بیوک اوطه‌لیلر قغوشندن خدمتکار آلور ایدی .

ملیکه دورادور

اووچ سن بر ملیکه سک جداً ..
 نه قادار مالکات افسردن
 داها ممتاز و سرفراز اوله رق
 سنی خلق ایله مش خدای شفق .
 جوهر مهر و تار سودادن
 ایشله نلش، وجوده کلش اولان
 تاج شعر امتزاج حشمتکی
 کشور عالمک سلاطینی
 سپر ایدر بر نگاه غبطه ایله .
 آلهات جمال او اکیله
 نکران تحمیر اولسه ذکر .
 شهنشین تزیینکده قدر
 صانکه پیرایه کار دیدارک ،
 سحر و افسون شکار افکارک ؛
 طوتار ابکار بوسه دامنکی ؛
 شفق احضار ایدر نشیمنکی ؛
 باصدیغک یرده بر بهار آجیلیر ..

بوسه کاه مفاخر افزادر
 تاجدارانه ذیل اورنکک .
 بر جوق اورنک رنگ و آهنگک ،
 حوزة بو ، قلمرو انوار
 سلطنتزار بی حدودک وار .

نیجه صاحبظهور خارقه زاء ،
 نیجه صاحبقران برج دها
 پاسبانان ملک محروسک .
 ای ملیکه ، جهان محسوسک
 ماوراسنده ، محشر اسرار
 بیک ملوکانه مالکانهک وار .
 بر اریکهک جهان حس و خیال ،
 بر سریرک ستاره آمال ،
 موکبک شاهبال شعرو غرام ،
 خادماک کتائب الهام ،

پایتختك سپهر صنعتدر
كه معاليسرای فطرتدر .

ومؤبد مناقب حسنك
داستانلر ، فسانه لره بوتون
دولاشوب كاشات بجيلي
- طبق حسن ازل تماشيلي
جايجا آفرووديت ، وه قوس ، زهره -
خاطرهك قلب اولور اساطيره .

مايس ۱۳۳۲

فائق عالي

غزل

روح ماضی به تحفه تعظیم

ازل ، مطير خيال هوی مدارمدر ،
ابد ، مسير روان ترانه کارمدر .

رياض سدره ده بر صرغ حقنوايم كه
بلند طائر قدس ، آشنای حارمدر .

نهدم ترنم ايدرسيم مسبحان فلك
سماده سامعه كير سرود زارمدر .

اله عشق ايله معبوده خيالاتك
بوكون مقری بنم روح بيقرارمدر .

آكيلماز آرتق اوافسانه غرام دهور
جهان عشق طوتان بانك اشتهارمدر .

بر اويله حسن آلهی به عاشقم فائق
كه اك بدیع اثر صنع كردكارمدر .

تشرين ثانی ۳۳۲

فائق عالي